

**Talamdan sa  
mga Mensahe alang sa Full-time Training  
sa Spring Term sa 2023**

-----

**LINANGKOB NGA HISGOTANAN:  
ANG MAHINUNGDANONG MGA PUNTO SA KAMATUORAN SA MGA SULAT NI PABLO**

Mensahe 14

**Ang Gingharian sa Dios—ang Realidad sa Iglesiahanong Kinabuhi—Kinabuhi sa  
Pagkamatarong, Kadait, ug Kalipay diha sa Espiritu Santo**

Basahong Kasulatan: Rom. 14:17; Mat. 5:6, 9, 20; 6:33; Sal. 89:14; Col. 3:15; Buh. 13:52

**I. Pagkamatarong ang gingharian sa Dios—Rom. 14:17:**

- A. Nagpasabot nianang matarong ug husto ang pagkamatarong; ang mga nagkinabuhi diha sa gingharian sa Dios magmatarong ug magmahusto gyod ngadto sa uban, ngadto sa mga butang, ug ngadto sa Dios—Mat. 5:6; 6:33.
- B. Nag-agad sa patukoranan sa pagkamatarong sa Dios, ilabi na sa pagkamatarong Niya diha sa dugo ni Jesus, ang pagsinati nato ni Cristo—1 Juan 1:7, 9.
- C. Ang labing matarong nga mga tawo mao kadtong nagkinabuhi ni Cristo; himoon tang matarong sa tanang bahin ni Cristo nga nagpuyo sa sulod nato—Fil. 1:21; Gal. 2:20.
- D. Matod pa sa Bag-ong Tugon, dunay upat ka labing mahinungdanong aspeto ang pagkamatarong:
  1. Ang pagkamatarong pagkahusto man tali sa mga tawo, mga butang, ug mga hitabo sumala sa pagkamatarong ug higpit nga mga gipangayo sa Dios—Mat. 5:20.
  2. Ang pagkamatarong mao ang makitang pagpadayag ni Cristo nga nagpuyo sa sulod nato isip Espiritung taghatag-og-kinabuhi—2 Cor. 3:9, 18; 1 Cor. 15:45b:
    - a. Ang Espiritu mao ang pagkamao sa Dios nga nabuhi, naglihok, ug nagbuhat sa sulod nato, ug ang pagkamatarong mao ang pagkamao sa Dios nga napadayag isip dagway sa Dios nga magpadayag Niya—Efe. 4:24; Col. 3:10.
    - b. Dunay pihong pagpadayag ang diosnong pagkamao nga gikulit na sa sulod nato, ug kining pagpadayaga mao ang pagkamatarong—1 Cor. 3:3, 9; Mat. 5:20.
    - c. Nagtimaan sa pagpadayag sa dagway sa Dios ang pagkamatarong—Efe. 4:24; Col. 3:10.
  3. May kalabotan sa gingharian sa Dios ang pagkamatarong—Mat. 6:33:
    - a. Giestablisar ang trono sa Dios nga ang pagkamatarong maoy patukoranan—Sal. 89:14; 97:2.
    - b. Naggikan sa Dios ang pagkamatarong alang sa pagdumala Niya ug sa ingon niana may kalabotan sa pagbuot ug pangagamhanan sa Dios—Isa. 32:1.
    - c. Mosangpot una sa dagway sa Dios ang pagkamatarong ug unya mag-establisar sa gingharian sa Dios—Rom. 8:4, 29; 14:17.
  4. May kalabotan sa pagka-husto tali sa Dios diha sa atong pagkatawo ang pagkamatarong—1 Cor. 15:34; 2 Cor. 5:21:
    - a. Ang pagkahusto tali sa Dios diha sa atong pagkatawo pagkaanaa may pagkatawo sa sulod nga maaninaw ug tin-aw sama sa kristal—pagkatawo sa sulod nga naa sa hunahuna ug kabubut-on sa Dios—Bug. 21:11, 18b, 21b; 22:1.
    - b. Ang magmatarong sa ingon niini pagkahimo mang pagkamatarong sa Dios diha ni Cristo—2 Cor. 5:21.

**II. Kadait ang gingharian sa Dios—Rom. 14:17:**

- A. Dios sa kadait ang atong Amahan, dunay madinaitong kinabuhi nga madinaiton og kina-  
iya—15:33; 16:20; Mat. 5:9; Heb. 12:14; Sant. 3:18; 2 Tes. 3:16a.

- B. Ang kadait nga naa ni Cristo, ang kadait nga mao si Cristo, ang kadait nga gihimo ni Cristo, ug ang kadait nga gimantala ni Cristo isip ebanghelyo mao ang kadait sa Lawas ug diha sa Lawas—Efe. 2:14-15, 17; 6:23; Gal. 6:16; Col. 1:20; 3:15:
  - 1. Ang pagkinabuhi diha sa Lawas ug pag-amping sa pagkausa sa Lawas pagkinabuhi man diha sa kadait sa Lawas; aron makakinabuhi diha sa Lawas ug alang sa Lawas ni Cristo, ampingan gyod nato ang pagkausa sa Espiritu diha sa bugkos sa panagdait nga nagpahiusa—Efe. 4:3.
  - 2. Basta kita lay pabut-on, magkinabuhi gyod ta nga may kadait sa tanang tawo—Rom. 12:18; Heb. 12:14.
- C. Alang sa kinabuhi sa Lawas, pahasayon gyod nato ang kadait ni Cristo sa tanang butang sa atong kasingkasing—Col. 3:15:
  - 1. Ang naghusay nga kadait ni Cristo mao si Cristo nga nagbuhat sa sulod nato aron magbuot nato ug modesider—Isa. 9:6-7.
  - 2. Aron makahusay ang kadait ni Cristo sa atong kasingkasing, palingkoron gyod kini sa trono ingog magbubuot ug tigdesider sa tanang butang—Heb. 7:2.
  - 3. Diha sa kinabuhi sa Lawas magbantay sa atong kasingkasing ug sa atong mga hunahuna diha ni Cristo Jesus ang kalinaw kun kadait sa Dios—Fil. 4:7, 9.
  - 4. Diha sa kinabuhi sa Lawas magmagination gyod unta ang atong kasingkasing tali sa mga bahin, kay gitawag man ta ngadto sa kadait ni Cristo diha sa usa ka Lawas—Col. 3:15.

### **III. Kalipay diha sa Espiritu Santo ang gingharian sa Dios—Rom. 14:17:**

- A. Gusto ang Dios nga magpahimulos ta Niya ug magkinabuhi alang sa Iyang tuyo—Neh. 8:10; Efe. 3:11.
- B. Ang pagkinabuhi sa kinabuhi sa gingharian diha sa iglesia nagkinahanglan nga malipayon tang magkinabuhi ngadto sa Dios diha sa Espiritu Santo—1 Ped. 1:8; Mat. 5:11-12; Buh. 5:41; 13:52; Fil. 2:17-18:
  - 1. Ang pagkadili malipayon nagpakita nga napildi ta, nga duna tay problema, ug nga gisalikway nato ang diosnong pagpugong; tungod niana, nabug-atan ang atong espiritu, ug dili ta makahimo sa pagkalipay—4:4; 1 Tes. 5:16.
  - 2. Kon magkinabuhi ta sa kinabuhi sa pagkamatarong ug kadait, malipayon tang magkinabuhi ngadto sa Dios diha sa Espiritu Santo—Rom. 14:17.
- C. Dios sa kalipay ang Tulo-usang Dios, ug mga masigka-magbubuhay ang mga apostol sa mga balaan alang sa ilang kalipay—15:13; Juan 15:11; 17:13; Buh. 13:52; Gal. 5:22; 2 Cor. 1:24; Fil. 1:25; 2:17-18.
- D. Makasinati ta sa kalipay sa pulong sa Ginoo nga naa sa atong kasingkasing—Jer. 15:16.
- E. Ang usa ka tam-is nga hunahuna nga gipadayag sa Pulong sa Dios mao nga diha ni Cristo gihatag sa Dios kanato ang Iyang Kaugalingon ingon nga grasya aron mapahimuslan nato—Juan 1:14, 16-17; 2 Cor. 13:14:
  - 1. Sa unang paghisgot sa Biblia sa relasyon sa Dios sa tawo, gipresentar Niya ang Iyang Kaugalingon sa tawo ingon nga kalan-on; nagpakita kini nga gusto ang Dios nga pahimuslan nato Siya—Gen. 2:7, 9; Sal. 16:11; Jer. 15:16.
  - 2. Ang sekreto sa Cristohanong kinabuhi dili man sa kadaghan sa gibuhay nato alang sa Ginoo kondili sa kadaghan sa nasuyop ug napahimuslan nato Niya—Juan 15:4-5; Col. 2:6-7.
  - 3. Kon motutok ta ni Jesus ug makakita nga naay kalipay sa unahan nato, malahutayon gyod tang makadagan sa lumba nga naa sa unahan nato—Heb. 12:1-2.